



12228

二  
薇  
亭  
集



二薇亭集

永嘉徐璣靈淵甫著

九月初四日分得然字

去載羈旅身千里望羣賢今夕良燕會況乃佳  
節前涼風日已多歲序日已遷春時種叢菊秋  
花滿籬邊採之不盈把泛彼清清泉行樂不易  
得貧賤焉可捐惟當從爾游吟哦思陶然

訪梅

訪梅行近郊寒氣初淅瀝欲開未開時三點兩

二薇亭集

一讀畫齋正本

點白清枝何蕭疎幽香況岑寂頗知天姿殊絕  
似人有德逢君天一方歡然舊相識

監造御茶有所爭執

森森壑源山嫋嫋壑源溪脩脩桐樹林下蔭茶  
樹低桐風日夜吟桐雨灑霏霏千叢高下青一  
叢千萬枝龍在水底吟鳳在山上飛異物呈嘉  
祥上奉玉食資臘餘春未新素質蘊芳菲千夫  
喏登隴叫嘯風雷隨雪芽細若鍼一夕吐清奇  
天地發寶祕神鬼不敢知舊制遵御膳授職各

有司分綱製品目簿尉監視之雖有領督官焉  
得專所爲初綱七七夸次綱數弗差一以薦郊  
廟二以淪賓夷天子且謙受他人奚可希柰何  
貪瀆者憑陵肆姦欺品嘗珍妙餘倍稱來其私  
初作狐兒媚忽變狼虎威巧計百不行叱怒面  
欲緋再拜長官前茲事非所宜性命若螻蟻蠢  
動識尊卑朝廷設百官責任無細微所守儻在  
是恪謹焉可違君一臣取二千古明戒垂以此  
得重劾刀鋸弗敢辭移官責南浦奉命去若馳

二薇亭集

二讀畫齋正本

回首鳳凰翼雨露生光輝

述夢寄趙靈秀

江水何滔滔渡江相別離  
指子家舍前對子衣披披  
問子何所爲旅舍未得歸  
執手一悲歎驚覺妻與兒  
起坐不得省清風在簾帷  
平明出南門將以語所知  
過子舊家處寒花出疎籬  
蕭蕭黃葉多裊裊歸步遲  
子去不早還何以慰我思

漳州別王仲言

百草各有種春至不栽培  
交情重故知豈論才

不才相識十年初再見天之涯共飲一杯酒  
若紅顏開人生有此樂知復能幾回契闊既已  
深矧爾病與衰朔風從何來吹發枝上梅天寒  
日欲暮又乃行色催君去江水西我歸近天台  
東西道路長未可心替摧明朝碧雲多佇思良  
徘徊

投楊誠齋

名高身又貴自住小村深

一作心

清得門如水貧

惟帶有金養生非藥餌常語

一作話

是規箴四海

二薇亭集

三讀書齋正本

爲儒者相逢問信音

江亭臨眺

問得梅花信寒林動晚聲雨來山漸遠潮去水  
還清寥落尋新句歡娛解宿醒相攜歸路滑燈  
火近孤城

同友人登翠麓亭

緩行循翠麓凝睇俯清灣舟楫蘆花外江山夕  
照閒天寒雖日短歲晚亦身閒高樹梅初發與  
君相共攀

中川別舍弟

中川人語別南國夜何其江迴風來急山低月  
落遲纜從前浦遠角在古城吹五畝耕鋤地何  
當手共犁

冬日書懷

門庭黃葉滿園樹盡玲瓏寒水終朝碧霜天向  
晚紅蔬餐如野寺茅舍近溪翁非是分囂寂由  
來趣不同

黃碧

二薇亭集

四讀書齋正本

黃碧平沙岸陂塘柳色春水清知酒好山瘦識  
民貧雞犬田家靜桑麻歲事新相逢行路客半  
是永嘉人

西征有寄翁趙徐三友

窮冬逆旅身薄宦此艱辛渡水添愁思看山憶  
故人煙生村落晚雨過竹松新昨夜還鄉夢逢  
君苦未真

晨起

晨起風吹面朝晴野霧收高峯多遠見淺水少

平流世事非難了，塵勞獨未休。今年看鬢髮，已變一莖秋。

送趙靈秀赴筠州幕，予亦將之湖外。

郡以竹爲名，因知此地清溪來。城下綠山到市邊，平入幕非無客。能文必有聲，江湖共游宦。相望若爲情。

湘水

湘水幾千里，平流少激湍。數家分市井，列石起峯巒。豈是昔曾到，猶疑畫上看。吟詩身漸老，向

二薇亭集

五讀畫齋正本

此作微官

泊舟呈靈暉

泊舟風又起，繫纜野桐林。月在楚天碧，春來湘水深。官貧思近闕，地遠動愁心。所喜同舟者，清羸亦好吟。

古郡

古郡依蠻楚，身來作冷官。老憐兄弟遠，貧喜婦兒安。分菊乘春雨，移梅待歲寒。又傳家信至，入夜著燈看。

憑高

憑高散幽策綠草滿春坡楚野無林木湘山似  
水波客懷隨地改詩思出門多尚有溪西寺斜  
陽未得過

送徐照先回江右

骨體先如鶴離家歲已周欲知詩思遠曾共楚  
鄉游窮達身將老分攜菊正秋江西看舊友歸  
計少遲留

別趙黃中

二薇亭集

六  
讀畫齋正本

世道難爲友相期一見中但令心事合不在語  
言同秋早湘煙白舟移蓼岸紅別懷如迴野長  
與水雲通

自覺

曾學輕騰術長懷萬里心江湖雲似水巴廣石  
如林好飲身常樂無言道更深丹砂能愈疾不  
用化黃金

題陳待制湖莊

園無三畝地四面水連天行向樓高處卻如身

在船野花春渚外山色海雲邊一任人來往茲  
懷亦浩然

寄陳西老

長日無吟伴閒庭佇物華竹枝斜帶雨草色淨  
侵沙風度平生友鄰居幾十家前曾乘小醉訪  
爾一甌茶

初夏游謝公巖

欲一作又取紗衣換天晴一作時起細風清陰花落

後長日鳥啼一作聲中水國乘舟樂巖扉有徑一作

三薇亭集

路通州人一作民多到此猶自憶髯公

喜爽上人至

住與佛居近僧閒稍問詩湖山明月夜風露菊  
花時達意言常省微吟步自遲老來朋舊少愛  
爾得相隨

曉

詩鬢曉星星霜天似水清風當牕眼入冰向硯  
池生已瘦梅花影猶乾竹葉聲夜來天地潔惟  
是月華明

題方上人房古梅房卽故道書記所居  
曾聽道公語先師愛此梅但知傳說老不記若  
年栽半樹枯仍發疎花晚自開方兄頭又白常  
喜故人來

春日遊張提舉園池

西野芳菲路春風正可尋山城依曲渚古渡入  
脩林長日多飛絮游人愛綠陰晚來歌吹起惟  
覺畫堂深

送戴文子赴定海主簿

二薇亭集

八讀畫齋正本

江天經雨後秋意轉新高遠棹送行客涼颺生  
細濤高人初祿仕判語亦風騷若到海西岸佛  
光盈翠袍

宿寺

古木山邊寺深松逕底風獨吟侵夜半清一作枯

坐雜禪中殿淨燈光小經殘磬韻空不知清遠

夢啼鳥在林東

孤坐一篇字呈客

晨起猶孤坐餅泉待一作自煮茶寒煙添竹色疎

雪亂梅花獨喜忘時事誰知改歲華多君能過  
此人里一作竹裏似仙家

送翁巴陵

曾識巴陵道重攜印綬過地偏無會計俗厚有  
弦歌官況湘流碧詩情楚岫多梅花送征棹萬  
里接陽和

送張主簿

上世喜同登論交建水清故人逢客裏明日又  
離情佳闕東南少卑官遠近行秋風分手地霜

二薇亭集

九讀畫齋正本

葉滿江城

題石門洞

瀑水東南冠廬山未足論飛來長似雨流處不  
知源洞裏龍爲宅溪邊石作門脩行謝康樂菴  
有故基存

春望

樓上看春晚煙分遠近村曉晴千樹綠新雨半  
池渾柳密鶯無影泥新燕有痕輕寒衫袖薄杯  
酌更須溫

題薛景石瓜廬

近舍新爲圃澆鋤及晚涼因看瓜蔓吐識得道  
心長隔沼嘉蔬潔侵畦異草香小舟應買在門  
外是漁鄉

夏日懷趙靈秀

古郡草爲城懷賢隔此扃水風涼遠樹河影動  
疎星江國晴猶潤煙林暮轉青荷鋤曾有約獨  
喜帶騷經

又寄趙端行

二薇亭集

十讀書齋正本

庭深自無暑苔徑復縈紆賓客不長到兒童亦  
可娛荷花晴帶粉蒲葉曉凝珠與爾城闌隔茲  
歡想不殊

夏日湖上訪隱人

一作  
土

煩一作酷暑何能避孤舟訪隱人水鄉菱藕熟晴

野稻苗新一作云洲渚爲一作力學師前輩談空悟

夙身鏡湖三百一作萬頃不似此湖濱

山居

柳竹藏花塢茅茨接草池開門驚燕子汲水得

魚兒地僻春猶靜人閒日更遲山禽啼忽住飛  
起又相隨

夏日懷友

流水塔除靜孤眠得自由月生林欲曉

一云日  
低林欲

晚雨過夜如秋遠憶荷花浦誰吟

一作  
憐

杜若洲

良宵恐無夢有夢卽俱一作  
同遊

臘日驪山渡逢故人

天寒多木葉愁思滿溪濱惆悵往來渡經行多  
少人時情猶重臘歲事每占春與爾他鄉旅誰

二薇亭集

十二讀畫齋正本

當懷抱新

次韻劉朋一作  
明遠移家二首

隱居須是僻君向數家村自以閒爲樂何嫌貧  
尚存碧波蓮草舍白日掩柴門挂得一瓢在風  
來應惡喧

其二

恬淡安身易新家似舊居逕涼行落葉池淨數  
遊魚詩得唐人句碑臨晉代書半生惟此樂同  
輩必無如

登信州靈山閣跨鶴臺

清遊吾有分，渾似昔曾來。  
野屋憑高住，青山到水回。  
欲看靈岫遠，須待曉雲開。  
漸漸生愁思，鄉心上古臺。

投周益公

辭相還家後，清癯帶少顏。  
易令凡事足，難得一身閒。  
長日惟開卷，晴天偶看山。  
只應憂國念，到此或相關。

題李商叟半村堂

二薇亭集

士讀畫齋正本

住屋半依村，先生氣象尊。  
若非迎好客，長是掩柴門。  
覓句行山影，披蓑釣月痕。  
固窮年八十，惟得令名存。

湘中

舊說湘中事，身來又可尋。  
廟存虞帝迹，江照楚臣心。  
爲客人俱遠，題名刻自深。  
春迴洲渚綠，遙望正沈吟。

夏夜同靈暉有作奉寄翁趙二丈

齋蔬一作居惟少睡，露坐得論文。  
涼夜清如水，明月照空林。

河白似雲宿禽翻樹覺幽磬渡溪聞欲識他鄉  
思斯時共憶君

書翁卷詩集後

五字極難精知君合有名磨礧雙鬢改收拾一  
編成泉落秋巖潔花開野逕清漸多來學者體  
法似元英

檄送寄翁靈舒

聞道長溪令相畱一館閒便令全近舍尚隔幾  
重山爲旅春郊外懷人夜雨閒年來疎覽鏡怕  
二薇亭集

十三讀畫齋正本

見減朱顏

大龍湫

瀑水數千尺何曾貼石流還疑衆山拆故使半  
空浮霧雨初相亂波濤忽自由道場從建後龍  
去任人遊

送瑞州張知錄

歲暮不惜別君行是宦遊江西多野水湖上正  
高秋舊友曾過處新題必共畱官閒可尋訪竹  
逕最深幽

寄舍弟

寄問安仁弟，弦歌又一年。  
流來溪水遠，清到縣門前。  
故里人情樂，新居物色鮮。  
宦歸言語款，正及早梅邊。

秋夕懷趙師秀

冷落生愁思，衰懷得句稀。  
如何秋夜雨，不念故人歸。  
蛩響砌尤靜，雲疎月尚微。  
惟憐籬下菊，漸可相依。

送趙明叔爲漳浦宰

二薇亭集

函讀書齋正本

去年官滿處，送子意何如。  
地接泉山近，人依大澤居。  
南中繁賦役，美政輯田廬。  
公退無他事，彈琴更讀書。

送岳州蔣節推

湘水知幾派，到湖相合流。  
煙深雲夢曉，風靜岳陽秋。  
送子方行役，令子憶舊遊。  
文書時正省，賦詠可登樓。

登橫碧軒繼趙昌甫作

步陟高高寺，徐行不用扶。  
春天晴又雨，山色有

還無句向閒中覓一作得茶因醉酒一作酒後呼所作  
斯懷論未足何乃又征途一云何遠  
問征途

溪上

十日清溪上新春細雨天綠波隨棹起白鳥望  
舟眠麥秀初如草雲濃半是煙卻愁山路險明  
日捨溪船

梅坡

淺水低坡幾樹苔冷光搖動玉塵埃橫斜直似  
安排得古怪多應折損來潔白要須侵夜看飄  
零卻是被春催閒來立斷清風影一片飛香落  
酒杯

送徐侍郎南遷

已見皇家日月安更教遠去不辭艱若人豈謂  
元城在有客先知御史還風急滿江皆白浪雨  
收何處不青山天心正欲扶宗社爲報慈闈得  
解顏

淶波亭寄泊晨起有感

塵埃幾混寸心清晨起孤吟在水亭晴景淡紅

三薇亭集

五讀畫齋正本

煙景白近山濃綠遠山青初因薄宦成羈旅忽  
伴輕鷗落渚汀安得數年居此地待須長日補  
騷經

秋日登玉峯

玉琢孤峯壓富沙人行峯頂步雲霞溪流緩去  
幾回曲樹色幽分無數家翠拂寒煙平似水紅  
飄霜葉遠如花明朝重向城中望對此孤峯應  
不差

壬戌二月

三薇亭集

去讀畫齋正本

山城二月景如何行處時時聽踏歌淡色似黃  
楊葉小濃香如蜜菜花多春容每到晴時改天  
氣偏從雨後和好向溪頭尋釣侶小溪連夕漲  
清波

題東山道院

古院欽欽石作層綠苔芳草近郊垆溪流偶到  
門前合山色偏來竹裏青靜與黃蜂通戶牖閒  
將白鳥共沙汀道人亦有能琴者一曲清徽最  
可聽

六月歸途

星明殘照數峯晴夜靜惟一作聞水有聲六月

行人須早起一天涼露溼衣輕宦情每向途中

薄詩句多於馬上成故里諸公應念我稻花香

裏計歸程

訪湖友

城中日日望南湖乞得閒來訪隱居漸有秋霖

籬菊長纔無暑氣渚蓮疎壁閒古畫多賢像案

上塵編半佛書未見主人逢稚子不通姓字獨

二薇亭集

七讀畫齋正本

踟躕

中秋集鮑樓作

秋在湖樓正可過扁舟窈窕逐菱歌淡雲遮月

連天白遠水生涼入夜多已是高人難會聚矧

逢佳節共吟哦明朝此集喧城市應說風流似

永和

登滕王閣

重重樓閣倚江干岸草汀煙遠近閒春水生時

都是水西山青外別無山雲歸長若真人在風

過猶疑帝子還自古舟船城下泊幾人來此望  
鄉關

贈趙師秀

游一作薄

宦歸來隔幾春清羸還是舊時身養成

心性方能靜化得妻兒不說貧竹長新陰深似  
洞梅添怪相老於人亦知曾見高人了近作文  
章氣力勻

贈徐照

近參圓覺境如何月冷高空影在波身健卻緣

三菴亭集

大讀畫齋正本

餐飯少詩清都爲飲茶多城居亦似山中靜夜  
夢俱無世慮魔昨日曾知到門外因隨鶴步踏  
青莎

新春書事

出門閒步草萋萋桑柘陰中亦有蹊幾樹晴煙  
鷺囀早一塘春水燕飛低空如陶亮官爲令難  
學嚴陵住近溪聖世幸時沾薄祿不能辛苦又  
攀躋

題養拙齋

混沌分來便至今紛紛巧事日成林月明未免  
蝦蟇食秋至依然蟋蟀吟自歎一身全是幻誰  
能萬事不容心到君齋舍清如水應使凡機盡  
弗侵

泊馬公嶺

維舟拂曉步平沙晚泊雲根第一家新取菜蔬  
沾野露旋編籬落帶山花門前相對青峯小屋  
後流來白水斜可愛山翁無一事藤牆西畔看  
蜂衙

二薇亭集

九讀畫齋正本

酒

才傾一盞碧澄澄自是山妻手法成不遣水多  
防味薄要令麴少得香清涼從荷葉風邊起煖  
向梅花月裏生世味總無如此味深知此味卽  
淵明

梅

疎芳點點是春冰應笑浮華去不停石畔長來  
枝易老竹間瘦得萼全青孤高自愛香無色寂  
寞渾教影問形莫遣豐 種宮苑野橋流水最

清冷

是誰會種白玻璃  
負絕寒荒一點奇  
不厭壠頭千百樹  
最憐窻下兩三枝  
幽深真似離騷句  
枯健猶如賈島詩  
吟到月斜渾未已  
蕭蕭鬢影有風吹

翁知縣歸自湖湘

渺渺秋江帶碧鴉  
君來應是弔湘涯  
懷人也似居無竹  
憂世長如飯有砂  
一袖清風詩思遠  
滿汀芳草夕陽賒  
還歸殊未顏瘦已  
種湖邊遶

二薇亭集

子讀畫齋正木

處花

奉酌翁松廬見寄

客路歸時雨似煙  
歸來還近菊花天  
寸心不到青雲上  
一事難成白髮前  
風外松聲如昨夕  
竹閒梅蘂接新年  
閒來得句頻相送  
自有高人住屋邊

送劉和州

揚旌遙指歷陽城  
霜淡晴天鼓角明  
步騎打圍秋草綠  
舳艫傳唱曉江平  
岸分南北人煙近  
地

控東南羽檄清牧守只今非易予九重淵默待  
盈成

過九嶺

斷崖橫路水潺潺行到山根又上山眼看別峯  
雲霧起不知身也在雲間

題陳西老畫蜀山圖

壁立青山帶峽溪閒雲盡日自高低知他春樹  
深多少應有清猿在裏啼

夜涼

二薇亭集

王讀畫齋正本

夜涼扶杖出山齋身似孤雲倚石崖吟就不知  
山月曉清風滿面落松欵

春雨

斷橋橫落淺沙邊沙岸踈梅卧曉煙新雨漲溪  
三尺水漁翁來覓渡船錢

其二

柳著輕黃欲染衣汀沙漠漠草菲菲曉風吹斷  
寒煙碧無數鴛鴦溪上飛

夏日閒坐

無數山蟬噪夕陽高峯影裏坐陰涼石邊偶看  
清泉滴風過微聞松葉香

丹青閣

翠靄空霏忽有無筆端誰著此工夫溪山本被  
人圖畫卻道溪山似畫圖

移官南浦作

簿領初爲建水栖移官南浦又沈迷溪山轉處  
人煙隔惟有黃鸝一樣啼

秋行二首

二薇亭集

王讀畫齋正本

夏夏秋蟬響似箏聽蟬閒傍柳邊行小溪清水  
平如鏡一葉飛來細浪生  
紅葉枯梨一兩株翛然秋思滿山居詩懷自歎  
多塵土不似秋來木葉疎

建劍道中

雲麓煙巒知幾層一灣溪轉一灣清行人只在  
清灣裏盡日松聲雜水聲

舟過水口作

舟行遙指福城關天宇開時地勢寬二百里溪

平似掌一帆風色到懷安

新涼

水滿田疇稻葉齊日光穿樹曉煙低黃鸝也愛  
新涼好飛過青山影裏啼

新春喜雨

農家不厭一冬晴歲事春來漸有形昨夜新雷  
催好雨蔬畦麥瓏最先青

春晚

午風庭院綠成衣春色方濃又欲歸蝌蚪散邊

二薇亭集

三  
讀  
書  
齋  
正  
本

荷葉出除醺香裏柳綿飛

漳州圓山

輕煙漠漠霧綿綿野色籠青傍屋前盡說漳南  
風水好衆山圍繞一山圓

古陵橋

西橋西岸柳成叢春去春來歲歲同偶被東風  
吹落絮又隨流水過橋東

新秋

新秋一雨洗林關晚色清澄滿望閒風靜白雲

橫不斷山前又疊一重山

五里牌邊

路遶山根石磴斜小橋流水樹交加柴門半掩  
無人到五里牌邊三四家

書同安舊酒家壁

榕陰綠滿驛程邊駐馬難尋舊聖賢只有好山  
橫迥野不論朝暮帶輕煙

永春路

路行僻處山山好春到晴時物物佳秀色連雲

二薇亭集

西讀畫齋正本

原上麥清香夾道刺桐花

秀峯寺

籃輿晚泊近巖隈精舍門臨古道開僧子相逢  
便相識十年三過秀峯來

連江官湖

衆山圍繞淥團圓官木參差古道邊行盡濃陰  
全不了一湖飛雨帶輕煙

九日上懷古堂

山前事迹古來多風雨塵埃竟若何惟有白衣

秦處士數篇佳句不曾磨

二薇亭集

二薇亭集

三  
五  
讀  
書  
齋  
正  
本

12228

